

# Sut mae enwebu gweithwyr proffesiynol eithriadol Macmillan neu bobl sydd wedi'u heffeithio gan ganser ar gyfer gwobr canmlwyddiant Macmillan yng Nghymru



Darllenwch y canllawiau hyn cyn llenwi ffurflen enwebu

## **Ar gyfer pwy mae gwobrau canmlwyddiant Macmillan yng Nghymru?**

Mae gwobrau canmlwyddiant Macmillan yng Nghymru yn cydnabod gweithwyr proffesiynol Macmillan a phobl sydd wedi'u heffeithio gan ganser, sydd wedi gwneud cyfraniad eithriadol tuag at uchelgais Cymorth Canser Macmillan i fod yn ffynhonnell o gymorth ac yn rym dros newid i bobl sydd wedi'u heffeithio gan ganser yng Nghymru.

## **Pwy all enwebu?**

Gall y canlynol enwebu pobl sydd wedi'u heffeithio gan ganser:

- Cymheiriaid unigolyn, er enghraifft, cyd-aelodau o grŵp defnyddwyr neu grŵp cefnogi
- Gweithiwr iechyd proffesiynol
- Aelod o'r teulu neu ffrind

Gall y canlynol enwebu gweithwyr proffesiynol/timau Macmillan:

- Gall unigolyn neu dîm eu henwebu eu hunain (ac eithrio gwobr cyrhaeddiad oes)
- Gall rheolwyr enwebu eu timau neu un o aelodau eu timau
- Gall berson sydd wedi defnyddio gwasanaeth enwebu'r gwasanaeth, y tîm, neu unigolyn

## **Ar gyfer pa wobwr ddylwn i enwebu gweithiwr proffesiynol Macmillan neu berson sydd wedi'i effeithio gan ganser?**

Gallwch enwebu gweithiwr proffesiynol Macmillan neu berson sydd wedi'i effeithio gan ganser ar gyfer unrhyw wobwr cyn belled â'u bod yn bodloni'r meini prawf. Os ydych yn ansicr ynglŷn â pha wobwr sydd orau, cysylltwch â Thîm Cymru ar (01656867960) a byddant yn gallu rhoi cyngor.

### **Sut mae enwebu?**

Er mwyn enwebu gweithiwr proffesiynol Macmillan neu berson sydd wedi'i effeithio gan ganser ar gyfer gwobr, yna llenwch *Ffurflen enwebu gwobrau Canmlwyddiant Macmillan yng Nghymru*, gan dalu sylw manwl at feini prawf y wobr a'r canllawiau a nodir yn y ddogfen hon.

### **I ble mae angen gyrru'r ffurflen ar ôl ei llenwi?**

A wnewch chi anfon y ffurflenni wedi'u llenwi drwy e-bost at [Imordecai@macmillan.org.uk](mailto:Imordecai@macmillan.org.uk).

Os wnaethoch chi lenwi'r ffurflen â llaw, yna gyrrwch hi drwy'r post at Linda Mordecai, Cymorth Canser Macmillan, 1 Ffordd Oldfield, Parc Bocam, Pencoed, CF35 5LJ

### **Beth sy'n digwydd wedi i fi gyflwyno fy enwebiad?**

Unwaith i chi anfon y ffurflen at dîm Cymru, byddwch yn derbyn cydnabyddiaeth o hynny ymhen pythefnos. Yna bydd eich enwebiad o dan ystyriaeth gan banel y gwobrau.

### **Pryd mae dyddiad cau'r enwebiadau?**

Y dyddiad cau terfynol am enwebiadau ar gyfer holl wobrau canmlwyddiant Macmillan yng Nghymru yw dydd Mawrth 3ydd o Fai 2011.

### **Cyflwyno gwobrau**

Bydd y gwobrau'n cael eu cyflwyno yn seremoni wobrwyo canmlwyddiant Macmillan yng Nghymru ar noson y 29ain o Fehefin 2011, yng Nghaerdydd. Bydd enillydd pob categori yn derbyn gwobr, a thystysgrif.

### **Am ragor o wybodaeth**

Am wybodaeth fwy manwl am y broses wobrwyo cysylltwch â:

Cymorth Canser Macmillan, 1 Ffordd Oldfield, Parc Bocam, Pencoed, CF35 5LJ  
Rhif ffôn: 01656 867951

**Y dyddiad cau ar gyfer derbyn enwebiadau ar gyfer holl wobrau canmlwyddiant Macmillan yng Nghymru yw Dydd Mawrth 3ydd o Fai 2011**

# Gweler trosodd ar gyfer meini prawf y gwobrau

## Meini Prawf y Gwobrau

Enw'r Wobr	Meini Prawf y Wobr
<b>Gwobr ymwneud defnyddiwr Macmillan ar gyfer person sydd wedi'i effeithio gan ganser</b>	Ar gyfer person sydd wedi'i effeithio gan ganser ac sydd wedi gwneud cyfraniad eithriadol i Macmillan drwy ymwneud defnyddiwr yng Nghymru
<b>Gwobr ymgyrchydd Macmillan ar gyfer person sydd wedi'i effeithio gan ganser</b>	Ar gyfer person sydd wedi'i effeithio gan ganser ac sydd wedi gwneud cyfraniad eithriadol i Macmillan drwy ymgyrchu dros well gwasanaethau canser yng Nghymru
<b>Gwobr arloesi Macmillan ar gyfer gweithwyr proffesiynol</b>	Ar gyfer gweithiwr proffesiynol Macmillan sydd wedi arloesi a sicrhau datblygiadau o ran darparu gwasanaethau ar gyfer pobl sydd wedi'u heffeithio gan ganser yng Nghymru
<b>Gwobr arweinyddiaeth Macmillan ar gyfer gweithwyr proffesiynol</b>	Ar gyfer gweithiwr proffesiynol Macmillan sydd wedi dangos arweinyddiaeth ysbrydoledig ac sydd wedi dangos lefel uchel o ymroddiad tuag at dwf a datblygiad gwasanaethau ar gyfer pobl sydd wedi'u heffeithio gan ganser yng Nghymru
<b>Gwobr partneriaeth Macmillan ar gyfer gweithwyr proffesiynol</b>	Ar gyfer gweithiwr proffesiynol Macmillan sydd wedi sicrhau datblygiadau o ran darparu gwasanaethau ar gyfer pobl sydd wedi'u heffeithio gan ganser yng Nghymru, drwy gydweithio arloesol mewn partneriaeth â mudiadau eraill
<b>Gwobr tîm Macmillan</b>	Ar gyfer tîm Macmillan sydd wedi gwneud cyfraniad eithriadol at wasanaethau ar gyfer pobl sydd wedi'u heffeithio gan ganser yng Nghymru
<b>Gwobr cyrhaeddiad oes Macmillan ar gyfer gweithwyr proffesiynol</b>	Ar gyfer gweithiwr proffesiynol Macmillan sydd wedi gwneud cyfraniad eithriadol i bobl sydd wedi'u heffeithio gan ganser yng Nghymru. Mae'r person yma wedi dangos lefel uchel o ymrwymiad ac ymroddiad dros gyfnod o 15 mlynedd o leiaf

